

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ  
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
N ՀՀԿԳՄՆՄԱԾՁԲ-26/86**

ք. Երևան

« 10 » « 09 » 2026թ.

Հայաստանի Հանրապետության կրթության, գիտության, մշակույթի և սպորտի նախարարությունը, ի դեմս գլխավոր քարտուղար՝ Հասմիկ Հակոբյանի, որը գործում է նախարարության կանոնադրության հիման վրա (այսուհետ՝ Պատվիրատու), մի կողմից, և «Լոկատոր» ՓԲԸ-ն, ի դեմս տնօրեն Արման Խաչատրյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է ազդանշանային համակարգի միջոցով հսկողության ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն իրավունք ունի՝**

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն:

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը:

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

**2.4 Կատարողը պարտավոր է՝**

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ չխախտելով գործող օրենսդրությամբ:

Digitally signed by  
HAKOBYAN  
HASMIK  
5610800161  
Date: 2026.09.09  
23:38:32 AMT

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

### **3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը և հանձնման-ընդունման արձանագրության 2 օրինակ:

3.2 Հանձնման-ընդունման արձանագրությունն ստորագրվում է, եթե մատուցված ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները:

բ) Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ծառայությունը չընդունելու պատճառաբանված մերժումը:

3.4 Եթե պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

### **4. ՊԱՅՄԱՆԱԳՐԻ ԳԻՆԸ**

4.1. Սույն պայմանագրով Կատարողի մատուցման ենթակա ծառայության ընդհանուր գինը կազմում է **19200 (տասնինը հազար երկու հարյուր ) ՀՀ դրամ, ներառյալ ԱԱՀ-ն:**

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 30-ը:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

## 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի՝ ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը,

իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի գրավոր առաջարկի առկայության դեպքում՝ պայմանով, որ Պատվիրատուի համար ծառայության մատուցման պահանջը չի վերացել, իսկ Կատարողի գրավոր առաջարկը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավելի քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման շրջանակներից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկում է նաև Կատարողի էլեկտրոնային փոստին:

7.10 Կատարողն իրավունք ունի պայմանագրի կնքումից հետո Հայաստանի Հանրապետության քաղաքացիական օրենսգրքի 48-րդ գլխով սահմանված դեպքերում և կարգով կատարել գնման պայմանագրից ծագող դրամական պահանջի զիջում՝ պահանջի զիջման դիմաց ֆինանսավորման (ֆակտորինգի) պայմանագրի (այսուհետ՝ ֆակտորինգի պայմանագիր) հիման վրա: Ֆակտորինգի պայմանագիրը պետք է սահմանի, որ ֆինանսական գործակալը համաձայն է, որ պայմանագրով նախատեսված հիմքերի առկայության դեպքում Պատվիրատուն վճարումներն իրականացնելիս ապահովի Կատարողի նկատմամբ տույժերի ու տուգանքների հաշվարկումը և հաշվանցումը վճարվելիք գումարների հետ՝ անկախ պահանջի զիջված լինելու հանգամանքից: Ընդ որում, ֆակտորինգի պայմանագրի հիման վրա պահանջի զիջման մասին գրավոր ծանուցումը ստանալու

դեպքում Պատվիրատուն պայմանագրով սահմանված վճարումը կատարում է ֆինանսական գործակալին, եթե ծանուցումը ստացվել է Պատվիրատուի կողմից վճարման հանձնարարագիրը և արձանագրության պատճենը լիազորված մարմնի գանձապետական համակարգ մուտքագրելու օրվան նախորդող օրը:

7.11 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.12 Սույն պայմանագիրը կազմված է 5 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1 և 2 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.13 Սույն պայմանագրի նկատմամբ կիրառվում է Հայաստանի Հանրապետության իրավունքը:

#### **8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

##### **Պ Ա Տ Վ Ի Ր Ա Տ ՈՒ**

##### **Կ Ա Տ Ա Ր Ո Ղ**

ՀՀ կրթության, գիտության, մշակույթի և սպորտի  
նախարարություն

Հասցեն՝ ք. Երևան, Վազգեն Սարգսյան 3,  
Կառավարական տուն 2,  
ՀՎՀՀ 02698732

ՀՀ ՖՆ աշխատակազմի գործառնական  
վարչություն  
Հ/Հ 900011018562

«Լոկատոր» ՓԲԸ  
Հասցեն՝ ք. Երևան, Կոմիտասի 36ա-22

ՀՎՀՀ՝ 00095651

«Արդշինբանկ» ՓԲԸ

Հեռ.՝ (+37410) 28-58-28

Էլ. փոստ՝ contracts@locator.am

Հ/Հ՝ 2474703386220000

**Գլխավոր քարտուղար՝**

**Տնօրեն՝**

----- **Հ. Հակոբյան**  
(ստորագրություն)  
Կ.Տ.

----- **Ա. Խաչատրյան**  
(ստորագրություն)  
Կ.Տ.

Digitally signed by KHACHATRYAN ARMAN  
2311690205  
Date: 2026.09.09 14:55:28 AMT

«10» «09» Հավելված 1  
2026թ. կնքված

թիվ ՀՀԿԳՄՄՆՄԱԾՁԲ-26/86 գնման պայմանագրի

**ՏԵԽՆԻԿԱԿԱՆ ԲՆՈՒԹԱԳԻՐ-ԳՆՄԱՆ ԺԱՄԱՆԱԿԱՑՈՒՅՑ\***

| Ծառայություն                         |                                                                           |                                                            |                                                                           |                |                         |                                        |                                |
|--------------------------------------|---------------------------------------------------------------------------|------------------------------------------------------------|---------------------------------------------------------------------------|----------------|-------------------------|----------------------------------------|--------------------------------|
| Հրավերով նախատեսված չափաբաժնի համարը | Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV) | Անվանումը                                                  | Տեխնիկական բնութագիրը                                                     | Չափման միավորը | Ընդհանուր գինը, ՀՀ դրամ | Ժամկետը                                | Մատուցման հասցեն               |
| 1                                    | 79711100/1                                                                | ազդանշանային համակարգի միջոցով հսկողության ծառայություններ | Կից ցանկով ներկայացվում է տեխնիկական բնութագիրը և տեխնիկական առաջադրանքը: | դրամ           | 19200                   | 2026 թ. 3-4-րդ եռամսյակների ընթացքում: | ք.Երևան, Կոմիտաս 51, 4-րդ հարկ |

## ՏԵԽՆԻԿԱԿԱՆ ԱՌԱՋԱԴՐԱՆՔՆԵՐ

Ազդանշանային համակարգի միջոցով հսկողության ծառայություններ

|                                                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
|-------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>ազդանշանային համակարգի միջոցով հսկողության ծառայություններ</p> | <p>1. Կատարողը պարտավորվում է սեփականության իրավունքով իրեն պատկանող Մոնիտորինգային համակարգի և սեփականության իրավունքով իրեն պատկանող անհրաժեշտ սարքավորումների (այսուհետ՝ նաև Սարքավորում կամ Սարքավորումներ) միջոցով մատուցել Պատվիրատուի կողմից տիրապետվող և/կամ օգտագործվող օբյեկտում կամ օբյեկտներում առկա անվտանգության ազդարարման ինքնաշխատ համակարգից տազնապի ազդանշանը GSM, GPRS, 3G կամ 4G կապի միջոցներով, համաձայն ՆԳՆ կողմից սահմանված կարգի, ՆԳՆ 112 ՕԿԿ փոխանցման ծառայություններ (այսուհետև՝ Ծառայություն 1): Կատարողը Պայմանագրի պայմաններին համապատասխան, իրականացնում է օբյեկտում գոյություն ունեցող անվտանգության ազդարարման ինքնաշխատ համակարգին Սարքավորման(ների) համակցումը և միացումը Մոնիտորինգային համակարգին և 112 ՕԿԿ-ին և կազմում դրա վերաբերյալ միացման ակտ՝ ուղարկելով Պատվիրատուին:</p> <p>2. Պատվիրատուն պարտավորվում է միացման ակտը ստանալուց հետո 3 (երեք) աշխատանքային օրվա ընթացքում ստորագրել միացման ակտը կամ նույն ժամկետում Կատարողին ներկայացնել միացման ակտի վերաբերյալ իր առարկությունները: Միացման ակտը ստանալուց հետո 3 (երեք) աշխատանքային օրվա ընթացքում Պատվիրատուի կողմից չստորագրվելու և միացման ակտի վերաբերյալ առարկություններ չներկայացվելու դեպքում միացման ակտը համարվում է պատշաճ ու ընդունված Պատվիրատուի կողմից:</p> <p>3. Տեխնիկական բնութագրի 1 կետով սահմանված Ծառայություն 1-ի մատուցումը Կատարողը պարտավորվում է սկսել միացման ակտը Տեխնիկական բնութագրի 2 կետով սահմանված ժամկետում երկկողմանի ստորագրվելու պահից, իսկ միացման ակտը երկկողմանի չստորագրվելու և միացման ակտի վերաբերյալ Պատվիրատուի կողմից առարկություններ չներկայացվելու դեպքում՝ առարկություններ ներկայացնելու ժամկետի ավարտի պահից:</p> <p>4. Կատարողը պարտավորվում է սեփականության իրավունքով իրեն պատկանող Մոնիտորինգային համակարգի և սեփականության իրավունքով իրեն պատկանող անհրաժեշտ Սարքավորումների միջոցով մատուցել Պատվիրատուի կողմից տիրապետվող և/կամ օգտագործվող օբյեկտում կամ օբյեկտներում առկա հակահրդեհային անվտանգության տազնապի ազդարարման ինքնաշխատ համակարգից հրդեհի տազնապի ազդանշանը GSM/GPRS կապի միջոցներով Նախարարության 112 ՕԿԿ փոխանցման ծառայություններ (այսուհետ՝ նաև Ծառայություն 2, Ծառայություն 1-ի հետ համատեղ հիշատակվելու դեպքում՝ Ծառայություններ), իսկ Պատվիրատուն պարտավորվում է վճարել Ծառայություն 2-ի դիմաց՝ Պայմանագրով սահմանված կարգով, չափով և ժամկետներում: Կատարողը, Պայմանագրի և Տեխնիկական բնութագրի պայմաններին համապատասխան, իրականացնում է օբյեկտում գոյություն ունեցող հակահրդեհային անվտանգության տազնապի ազդարարման ինքնաշխատ համակարգին Սարքավորման(ների) համակցումը և միացումը Մոնիտորինգային համակարգին և 112 ՕԿԿ-ին և կազմում դրա վերաբերյալ միացման ակտ՝ ուղարկելով Պատվիրատուին:</p> <p>5. Պատվիրատուն պարտավորվում է միացման ակտը ստանալուց հետո 3 (երեք) աշխատանքային օրվա ընթացքում ստորագրել միացման ակտը, կամ նույն ժամկետում Կատարողին ներկայացնել միացման ակտի վերաբերյալ իր առարկությունները: Միացման ակտը ստանալուց հետո 3 (երեք) աշխատանքային օրվա ընթացքում Պատվիրատուի կողմից չստորագրվելու և միացման ակտի վերաբերյալ առարկություններ չներկայացվելու դեպքում միացման ակտը համարվում է պատշաճ ու ընդունված Պատվիրատուի կողմից:</p> <p>6. Կատարողը պարտավոր է իրականացնել օբյեկտում գոյություն ունեցող անվտանգության ազդարարման ինքնաշխատ համակարգին Սարքավորման(ների) համակցումը և միացումը Մոնիտորինգային համակարգին և 112 ՕԿԿ-ին և Պատվիրատուին մատուցել Ծառայություն 1-ը Պայմանագրի և Տեխնիկական բնութագրի պայմաններին համապատասխան:</p> |
|-------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

7. Կատարողը պարտավոր է իրականացնել օբյեկտում գոյություն ունեցող հակահրդեհային անվտանգության տազնապի ազդարարման ինքնաշխատ համակարգին Սարքավորման(ների) համակցումը և միացումը Մոնիտորինգային համակարգին և 112 ՕԿԿ-ին և Պատվիրատուին մատուցել Ծառայություն 2-ը Պայմանագրի և Տեխնիկական բնութագրի պայմաններին համապատասխան:

8. Կատարողը պարտավոր է ՆԳՆ-ի կողմից սահմանված՝ ազդանշանային համակարգից տազնապի փոխանցման և/կամ Ծառայությունների մատուցման հետ կապված կարգի փոփոխության դեպքում հնարավորության դեպքում Ծառայություն 1-ի և Ծառայություն 2-ի մատուցման կարգում կատարել համապատասխան փոփոխություններ՝ ապահովելով Ծառայությունների մատուցման ընթացքը:

9. Կատարողն իրավունք ունի ՆԳՆ-ի կողմից սահմանված կարգում փոփոխություններ կատարվելու դեպքում, եթե նման փոփոխությունների արդյունքում Կատարողի կողմից Ծառայություն 1-ի և/կամ Ծառայություն 2-ի հետագա մատուցումն անհնարին է, փոփոխության անհրաժեշտության մասին Պատվիրատուի կողմից տեղեկանալուց հետո անմիջապես միակողմանիորեն լուծել Պայմանագիրը՝ նույն օրն այդ մասին ծանուցելով Պատվիրատուին՝ առանց Պատվիրատուի և/կամ երրորդ անձանց որևէ վնաս հատուցելու, տուժանքներ վճարելու և այլ բացասական հետևանքներ կրելու պարտավորության:

10. Կատարողն իրավունք ունի մոնիտորինգային համակարգի պրոֆիլակտիկ, ռեգլամենտային և այլ անհրաժեշտ աշխատանքների ընթացքում ժամանակավորապես դադարեցնել Ծառայությունների մատուցումը՝ առանց Պատվիրատուի և/կամ երրորդ անձանց որևէ վնաս հատուցելու, տուժանքներ վճարելու և այլ բացասական հետևանքներ կրելու պարտավորության, նախապես տեղեկացնելով Պատվիրատուին:

11. Պատվիրատուն պարտավոր է ներկայացնել բանկային տվյալների, գտնվելու վայրի հասցեի և փաստացի գտնվելու վայրի մասին հավաստի տվյալներ, ինչպես նաև այլ տեղեկություններ, որոնք անհրաժեշտ են սույն Պայմանագրով Կատարողի պարտավորությունները կատարելու համար, իսկ այդ տվյալների փոփոխվելու դեպքում՝ անմիջապես հայտնել Կատարողին: Կատարողին հավաստի տվյալներ չտրամադրելու և/կամ անհրաժեշտ տվյալների փոփոխության մասին Կատարողին չհայտնելու բացասական հետևանքները կրում է Պատվիրատուն, և Կատարողը համարվում է Պայմանագրով ստանձնած պարտավորությունները պատշաճ կատարած:

12. Պատվիրատուն պարտավոր է ապահովել մատուցվող Ծառայությունների համար օգտագործվող Սարքավորման(երի) սարքինությունն ու պատշաճ պահպանությունը, ինչպես նաև Ծառայությունների մատուցման համար անհրաժեշտ բոլոր պայմանները:

13. Պատվիրատուն պարտավոր է անվտանգության ազդարարման ինքնաշխատ համակարգը և նրան համակցված Սարքավորումները, ինչպես նաև հակահրդեհային անվտանգության տազնապի ազդարարման ինքնաշխատ համակարգը և նրան համակցված Սարքավորումները ապահովել անխափան սնուցման աղբյուրներով:

14. Պատվիրատուն պարտավոր է չապամոնտաժել և չտեղադրել Սարքավորումները այլ օբյեկտում, չթույլատրել երրորդ անձանց պատճենել կամ հանել տեղեկատվություն Սարքավորումից կամ նրա կազմի մեջ մտնող SIM քարտ(եր)ից, չպատրաստել SIM քարտի կրկնօրինակ կամ Սարքավորումների համանման տարբերակ, ինչպես նաև՝ ապահովել SIM քարտի ու Սարքավորումների անհասանելիությունը երրորդ անձանց, ապահովել օբյեկտի(ների) լարման ստաբիլություն և սարքինություն:

15. Պատվիրատուն պարտավոր է Պայմանագրի գործողության ժամկետի ավարտից հետո 5 (հինգ) աշխատանքային օրվա ընթացքում ապահովել Կատարողի աշխատակիցների կամ Կատարողի կողմից ներգրավված այլ անձանց մուտքը տարածք (օբյեկտ)՝ Սարքավորումների ապամոնտաժումն իրականացնելու նպատակով:

16. Պատվիրատուն պարտավոր է սարքերի հետ տրված SIM քարտերի կորստի դեպքում վճարել SIM քարտերի հաշիվների վրա գոյացած ամբողջ պարտքի գումարը:

17. Պատվիրատուն պարտավոր է որևէ եղանակով չիրականացնել մոնիտորինգային համակարգի կամ նրա մաս կազմող տարրերի ցանկացած ձևի կրկնօրինակում, տեխնոլոգիական զննում, փոփոխում և այլ արտադրանքի ստեղծում՝ հիմնված համակարգերի, նրանց մասերի կամ նրանցում տեղ գտած տեխնիկական լուծումների վրա:

18. Պատվիրատուն պարտավոր է ՆԳՆ կողմից ազդանշանների ստացման կարգի և/կամ Ծառայություն 1-ի և/կամ Ծառայություն 2-ի մատուցման հետ կապված այլ կարգի փոփոխության դեպքում անհապաղ գրավոր կերպով տեղեկացնել Կատարողին՝ տրամադրելով ՆԳՆ-ի կողմից տրամադրված նոր կարգի մանրամասն նկարագիրը:

19. Կատարողը չի կրում պատասխանատվություն մատուցվող Ծառայությունների որակի համար այն դեպքում, երբ որակի անկումը կախված է ՆԳՆ-ի, Պատվիրատուի և/կամ այլ երրորդ անձանց գործողություններից և/կամ գործունեությունից և/կամ անգործությունից:

20. Կատարողը որևէ դեպքում չունի Պատվիրատուի և/կամ երրորդ անձանց վնասները հատուցելու պարտականություն՝ այդ թվում նաև, բայց չսահմանափակվելով գողության, գույքի վնասման, հրդեհի հետևանքով կամ որևէ այլ կերպ Պատվիրատուին և/կամ երրորդ անձանց պատճառված վնասի համար:

21. Սարքավորումները կորցնելու, վնասելու կամ Պայմանագրով, Տեխնիկական բնութագրով և/կամ Կատարողի կողմից սահմանված դեպքերում և ժամկետներում Կատարողին չվերադարձնելու դեպքում Պատվիրատուն պարտավորվում է վճարել Կատարողին Սարքավորումների արժեքի՝ յուրաքանչյուր Սարքավորման համար 84.000 (ութսունչորս հազար) ՀՀ դրամի չափով տուգանք՝ ներառյալ ԱԱՀ:

22. Ծառայությունների մատուցման որակը կախված է ՆԳՆ-ի կողմից տրամադրվող տեխնիկական (ծրագրային) լուծման անխափան աշխատանքից, Պատվիրատուի Սարքավորումների՝ օբյեկտի կարգավիճակի, տազնապների, սնուցման լարման առկայության և այլ ազդանշանների ընդունման, և տվյալները բջջային օպերատորի GSM, GPRS, 3G կամ 4G կապի միջոցներով փոխանցման հետ, որոնք ռադիոալիքների տարածման բնական պայմաններում, այդ թվում՝ շինություններին մոտ կամ նրանց ներսում, թունելներում, նկուղային կամ այլ գետնանցումային վայրերում գտնվելու, տեղանքի ռելիեֆի կամ շինության առանձնահատկություններից, մետեորոլոգիական, գեոմագնիսական և այլ պատճառներով կարող են վատանալ, ընդհատվել կամ ուղեկցվել խանգարումներով:

23. Կատարողը մատուցվող Ծառայությունների որակի համար պատասխանատվություն չի կրում այն դեպքերում, երբ որակի վատթարացումը հետևանք է երրորդ անձանց գործողությունների կամ գործունեության կամ անգործության, այդ թվում՝ ՆԳՆ-ի տրամադրած տեխնիկական (ծրագրային) լուծման, բջջային օպերատորի և ինտերնետ մատուցող կազմակերպությունների ցանցերում ընդհատումների, GSM/GPRS կապով տվյալների փոխանցման թողարկման համալարումների փոփոխման, սնուցման 220 Վոլտ ցանցային լարման բացակայության կամ հաճախակի պարբերականությամբ ընդհատումների և այլ դեպքերում:

24. Պայմանագրի և Տեխնիկական բնութագրի ստորագրմամբ Պատվիրատուն հավաստում է, որ ունի Տեխնիկական բնութագրի 1 և 4 կետերում սահմանված օբյեկտները օգտագործելու և/կամ տիրապետելու իրավունք: Նշված հավաստումը իրականությանը չհամապատասխանելու դեպքում օբյեկտները օգտագործելու և/կամ տիրապետելու հետ կապված պատասխանատվությունը և բացասական հետևանքների ռիսկը կրում է Պատվիրատուն:

25. Պայմանագրի կնքմամբ Պատվիրատուն Կատարողին է տրամադրում Պայմանագրի կնքմամբ և կատարմամբ Կատարողին հասանելի դարձած՝ Պատվիրատուի անձնական տվյալները մշակելու, օգտագործելու ու փոխանցելու իրավունքը:

**Պ Ա Տ Վ Ի Ր Ա Տ ՈՒ**

**Կ Ա Տ Ա Ր ՈՂ**

\_\_\_\_\_  
**Հ. Հակոբյան**

(ստորագրություն)

Կ.Տ

\_\_\_\_\_  
**Ա. Խաչատրյան**

(ստորագրություն)

Կ.Տ

Digitally signed by KHACHATRYAN ARMAN 2311690205  
Date: 2026.09.09 14:56:00 AMT

Հավելված N 2  
«10» «09» 2026թ. կնքված  
թիվ ՀՀԿԳՄՍՆՄԱԾՁԲ-26/86 գնման պայմանագրի

ՎՃԱՐՄԱՆ ԺԱՄԱՆԱԿԱՑՈՒՅՑ\*

ՀՀ դրամ

| Ծառայության       |                                                                           |                                                            |                                                                                                  |         |      |       |       |        |        |         |           |           |          |           |
|-------------------|---------------------------------------------------------------------------|------------------------------------------------------------|--------------------------------------------------------------------------------------------------|---------|------|-------|-------|--------|--------|---------|-----------|-----------|----------|-----------|
| Չափա-բաժնի համարը | գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV) | անվանումը                                                  | դիմաց վճարումները նախատեսվում է իրականացնել ՀՀ 2026թ. պետական բյուջեից՝ ըստ ամիսների, այդ թվում՝ |         |      |       |       |        |        |         |           |           |          |           |
|                   |                                                                           |                                                            | հունվար                                                                                          | փետրվար | մարտ | ապրիլ | մայիս | հունիս | հուլիս | օգոստոս | սեպտեմբեր | հոկտեմբեր | նոյեմբեր | դեկտեմբեր |
| 1                 | 79711100/1                                                                | ազդանշանային համակարգի միջոցով հսկողության ծառայություններ |                                                                                                  |         |      |       |       |        |        |         | 19200     | 19200     | 19200    | 19200     |

\* Վճարման ենթակա գումարները ներկայացվում են ածողական կարգով:

Պ Ա Տ Վ Ի Ր Ա Տ ՈՒ

Կ Ա Տ Ա Ր Ո Ղ

\_\_\_\_\_  
Հ. Հակոբյան  
(ստորագրություն)  
Կ.Տ

\_\_\_\_\_  
Ա. Խաչատրյան  
(ստորագրություն)  
Կ.Տ